

Préf. Liéume e ourtoulaiò - J. Cl. Payan - 1912

Maiano, 31 d'avoust 1909

Amistadous felibre,

Entre reçaupre li Fru, aquéu libre goustous de voste oncle venera, me siéu mes à lou fuieta, e me siéu deleta coume dins un jardin, un bèu jardin d'aubre fruchau.

Noste parla de Rose vèn, uno fes de mai, de faire vèire aqui qu'es engaubia pèr que fugue e que, meme en tratant de sciènci, la claro e douço pouèsio rènd agradiéu tout ço que dis.

Se dins nòstis escolo se fasié courre un libre ansin, lis enfant de Prouvènço se i'engranarien, me sèmblo, coume sus un rasin de vigno! Car acò me rapelle lou grand plesi qu'aviéu, au tèms de ma jouineso, d'estudia la boutanico autour de noste mas e sus lis aubre de noste ort.

Que brave ome, aquel oncle qu'es esta voste mèstre en dóutrino crestiano e felibrencò! Dins tóuti li chapitre de soun pichot paradis a-ti pas trouva lou biais de cita quauque vers de *Calendau* o de *Mirèio*? Que moun gramaci i'avèngue eilamoundaut i pèd de Diéu! e mi viéu coumplimen au baile dóu Rampèu qu'a mes en valour l'obro bello.

Frederi Mistral.

© CIEL d'Oc – Juliet 2009